

BESTELAKO XEDAPENAK

OSASUN SAILA

3113

AGINDUA, 2014ko uztailearen 1ekoa, Osasuneko sailburuarena, Euskal Autonomia Erkidegoko toki-erakundeei diru-laguntzak ematea arautzen duena toki-esparruan jarduera fisikoa susta dezaten 2014an zehar.

Euskadiko Osasun Antolamenduari buruzko ekainaren 26ko 8/1997 Legearen 2. artikuluan ezarritakoari jarraikiz, euskal herri-aginteei dagokie osasuna sustatu eta indartzea jarduera sozio-ekonomikoan diharduten sektore guztietan, honako helburu hauek lortzeko: bizi-ohitura osasungarriak suspertzea, arrisku-faktoreak desagerraraztea, ondorio kaltegarrien eragina saihestea eta, batik bat, osasunaren garrantziaz sentsibilizatu eta kontzientziatzea. Zehatzago, bigarren atalak dioenaren arabera, Eusko Jaurlaritzaren ardura da osasunaren erakunde-esparrua zaintzea EAEn; xede horrekin, izan ere, gomendioak eman edo neurriak hartuko ditu Jaurlaritzak, sektore politiko guztietan osasuna aintzat har dezaten, eta, era berean, diziplina anitzeko ekintzak bultzatuko ditu, osasun-ekintzen osagarri gisa, biztanleen osasun maila etengabe hobetzeko.

Aipatutako legearen 3. artikulua adierazten du osasunaren alorreko euskal administrazioari dagokiola osasun publikoaren babes orokorra bermatzea, osasuna sustatzeko neurrien bidez. Halaber, lege horren 14. artikulua adierazten du Euskal Autonomia Erkidegoko Administrazioiko organo guztiak, bakoitza dagokion sektoreko ikuspuntutik, elkar hartuta arituko direla osasun-herzkuntzaren eremuan sistematikoki gauza ditzaketen ekintzetan, funtsezkoak baitira pertsona bakoitzaren eta komunitatearen osasuna hobetzeko.

Azkenik, 15. artikulua xedatzen du Euskal Autonomia Erkidegoko toki-korporazioek antolamendu juridikoak esleitzen dizkien osasunaren eta osasungarritasunaren kontrolerako eskumenak gauzatuko dituztela, jarduera osagarriak gauzatzeko ahalmen instituzionala eragotzi gabe, eta, hala badagokio, Autonomia Erkidegoak haiei eskuordetutako eskumenak ere gauzatuko dituztela; jarduera guztiak Euskadiko Osasun Planaren helburuetara egokituko dira, eta autonomia-erkidegoko Osasun Sailaren koordinazioaren eta goi-mailako ikuskaritzaren mende jarriko. Eginkizun horiek gauzatzeko, toki-korporazioek EAeko osasun-sistemako langileen laguntza teknikoa eta bitartekoak jaso beharko dituzte. Lankidetzeta-tresnak sustatuko dira, eta, hala badagokio, behar diren koordinazio-organoen espezifikoa sortuko.

Apirilaren 18ko 195/2013 Dekretuaren, Osasun Sailaren egitura organikoa eta funtzionala ezartzen dituenaren, 8.1 artikuluari jarraituz, Osasun Publikoaren eta Adikzioen Zuzendaritzaren zeregina da, besteak beste, politika eta esku-hartze eraginkorrak bultzatzea Jaurlaritzaren gainerako sailetan eta erakunde publikoetan —udalerrietan bereziki—, hiritarrek osasun- eta ekitate-maila handiagoak izan ditzaten.

Aginduaren xedea da, beraz, osasuna indartzea toki-eremuko jardueretan eta osasun-arlokoak ez diren gainerako lan-eremuetan. Ekimen hau zeharo loturik dago Europako Batasunak gomen-daturiko «Osasuna politika guztietan» estrategiarekin, bai eta Osasunaren Mundu Erakundearen Osasunaren Determinatzaile Sozialen gainean Batzordeak egindako txostenarekin ere. «Osasuna politika guztietan» strategiaren oinarrian dagoen egiaztapena da osasun-sektorearen eraginpeko eremutik kanpoko faktoreek eragiten dutela, batez ere, osasunean.

Jarduera fisikoa sustatzeko Torontoko Gutunak dio, argi eta garbi, ohiko jarduera fisikoak osasuna areagotu, gaixotasunei aurrea hartu, gizarte-harremanak eta bizi-kalitatea hobetu, etekin ekonomikoak eman eta, halaber, ingurumenaren iraunkortasunari laguntzen diola.

Jarduera fisikoari ematen diogun denbora gehituz, eta egoneko jarduerei ematen diegun denbora gutxituz, populazio aktiboagoa lortuko dugu. Horrela, zenbait erronkari aurre egiteko aukera izango dugu, esate baterako: biztanleen etengabeko zahartzaroa eta osasun-sistemari eta gizarte-prestazioei eustea.

Herritar guztien jarduera fisikoaren mailak hobetzeko, osasunerako mesedegarria den jarduera fisikoa sustatu behar da sektore-arteko planteamendu estrategiko baten bidez.

2013-2020rako Osasun Planean adierazten den eran, helburuetako bat da herritarren artean jarduera fisikoa sustatzea, EAEn jarduera fisikoa sustatzeko Mugiment proiektuan zehaztutako jarraibideen eta estrategien arabera. Proposatutako ekintzetako bat da toki-esparruan ekimen zehatzak gauzatzea udalerriko osasun-zentroen, ikastetxeen eta jarduera fisikoko baliabideen arteko komunikazio-bideak sendotuz.

Hori horrela, eta aurreko urteetan eskuratutako esperientzia kontuan hartuta, deialdi honen ardatza da jarduera fisikoa sustatzea herritarren egunerokotasunean, bai haien aisialdian, bai eta ohiko joan-etorrietan ere.

Beste alde batetik, deialdi honen bidez, interesa duten erakundeek diru-laguntzen programa honetako izapide guztiak modu telematikoan egiteko aukera eman eta sustatu nahi da. Hori ahalbidetzeko, prozedura bat sartuko da, honako arau hauei jarraikiz: 21/2012 Dekretua, otsailaren 21ekoa, Administrazio Elektronikoari buruzkoa; 59/2003 Legea, abenduaren 19koa, Sinadura Elektronikoarena, Informazioaren Gizarteari Bultzada emateko Neurrien abenduaren 28ko 56/2007 Legeak aldatua; 11/2007 Legea, ekainaren 22koa, herritarrek zerbitzu publikoetara sarbide elektronikoa izateari buruzkoa, eta 1671/2009 Errege Dekretua, azaroaren 6koa, aurrekoa garatzen duena; 72/2008 Dekretua, apirilaren 29koa, Euskal Autonomia Erkidegoko Administrazio Orokorraren eta haren erakunde autonomoen erregistroak sortzeari, antolatzeari eta funtzionatzeari buruzkoa; Informatika eta Telekomunikazioen zuzendariaren 2006ko otsailaren 9ko Ebazpena, E-Administrazioarako Plataforma Teknologikoa –Platea– ezartzen duen dokumentua onartzen duena.

Hori horrela, honako hau

EBAZTEN DUT:

1. artikulua.– Deialdiaren esparrua eta helburua.

1.– Agindu honen xedea da, herritarren osasuna eta ongizatea hobetze aldera, 2014an jarduera fisikoa sustatzeko esku-hartzeak eta programak gauza ditzaten EAeko toki-erakundeei emango zaizkien diru-laguntzak arautzea.

2.– Laguntza hauen xedea da honako hauek finantzatzea 2014ko ekitaldian:

a) Hiriguneetan eta hiri-inguruetako eremuetan oinezkoentzako ibilbideak egokitzeko eta dinamizatzeko programak eta esku-hartzeak; ibilbide horiek seguruak izango dira eta behar bezala seinaleztatuta egongo dira, eta biztanle guztiei zuzenduta egongo, aisia aktiboa sustatzeko.

b) Ikastetxeetara (eskola-bideak) eta/edo industrialdeetara doazen oinezkoentzako ibilbide-sareak egokitzeko eta dinamizatzeko programak eta esku-hartzeak; bide horiek seguruak

izango dira eta behar bezala seinaleztatuta egongo dira, ohiko joan-etorrietarako mugikortasun aktiboa errazte aldera.

2. artikulua.– Erakunde onuradunak.

1.– Jarduera fisikoa sustatzeko programak eta esku-hartzeak garatzeko diru-laguntzak eska ditzakete Euskal Autonomia Erkidegoko udalek, mankomunitateek, bestelako toki-erakundeek, tokiko erakunde autonomoek eta tokiko merkataritza-elkarteek.

2.– Tokiko merkataritza-elkarteek baldintza hauek bete beharko dituzte: euren kapital soziala titulartasun publikokoa izango da, eta euren bazkideak, nagusiki, udalak. Gainera, partaide diren udalerrietako alkateek merkataritza-sozietate horiek aukeratu behar dituzte diruz laguntzea eskatutako jarduera egiteko. Gizarte Segurantzarekiko betebeharrak beteta izan behar dituzte.

3. artikulua.– Aurrekontu-zuzkidura.

1. artikuluan adierazitako jardueretarako guztirako aurrekontu-zuzkidura berrehun eta berrogeita hamasei mila zazpiehun (256.700) eurokoa izango da.

4. artikulua.– Diruz lagun daitezkeen gastuak.

1.– Honako hauek eragindako gastuak lagundu ahal izango dira diruz:

a) Ibilbidea seinaleztatzea.

b) Ibilbidea egokitzea irisgarriagoa, seguruagoa eta erakargarriagoa izan dadin pertsona erabiltzaileentzat. Honako hauek barne hartzen dira: eserlekuak, iturriak, zuhaitziak edo komunak, beste batzuen artean.

c) Ibilbide horiek dinamizatzea. Ulertzen da honako hau dela dinamizatzea: begiraleek gidatutako ibilaldiak antolatzea, ibiltari-taldeak gidatzeko pertsona boluntarioak prestatzea, jardunaldiak, ikastaroak edo bestelako jarduerak antolatzea herritarren ibilbide horietan parte har dezaten.

d) Ibilbideari eta jarduera fisikoa gauzatzeak dakartzan onurei buruzko informazio-hitzaldiak ematea.

e) Ibilbideari eta jarduera fisikoa gauzatzeak eta ibiltzeak dakartzaten onurei buruzko informaziozko horma-irudiak sortzea eta jartzea.

f) Ibilbideari eta jarduera fisikoa gauzatzeak eta ibiltzeak dakartzaten onurei buruzko informaziozko materialak banatzea.

g) Ibilbide horien gaineko publizitatea egitea.

2.– Ez dira diruz lagunduko honako gastu hauek:

a) Diruz laguntzen diren jarduketa horien BEZari dagozkionak.

5. artikulua.– Beste diru-laguntza batzuekiko bateragarritasuna.

Agindu honetan aurreikusitako diru-laguntzak bateragarriak dira beste erakunde publiko edo pribatuen bat helburu bererako emandakoekin, betiere eskabide-orrian (Agindu honen I. eranskina) hala jakinarazten bada, eta gainfinantzaketarik ez badago. Halakorik gertatuz gero, diru-laguntza-ren zenbatekoa gutxituko da dagokion gehienezko mugara arte.

6. artikulua.– Eskabidea eta aurkeztu beharreko agiriak.

1. artikuluan jasotako jardueratarako, honako dokumentu hauek aurkeztu behar dira, erakunde eskatzailearen eta gauzatu behar den jardueraren ezaugarrien arabera:

a) Eskabide-agiria eta jardueraren azalpen-txostena, agindu honen I. eta II. eranskinetan adierazitakoari jarraikiz, behar bezala beteta. Eskuragarri daude izapideak elektronikoki egiteari buruzko 8. artikuluan adierazitako euskadi.net webguneko egoitza elektronikoan.

b) Onespen-akordioa, hau da, eskatu den diru-laguntzaren xede den jarduerari onespena ematen diona, batetik, eta jarduera finantzatzeko toki-erakundeak egingo duen ekarpenarena, bestetik.

c) Proiektua esparru sozialeko, hezkuntza-esparruko, esparru sanitarioko eta/edo soziosanitarioko beste eragile batzuekin batera gauzatzen bada, hori azaltzeko dokumentua aurkeztu beharko da, akordio hori justifikatzen duten bi alderdiek izenpetuta.

d) Erakunde eskatzailea tokiko merkataritza-elkarte bat bada, aurreko ataletan eskatutako dokumentazioaz gainera, jarduera gauzatuko den udalerrietako alkateen onarpen-akordioak aurkeztu beharko ditu, hau da, jarduera hori erakunde horrek gauzatuko duela adierazten dutenak.

e) Erakundearen izenean eskaera egiten duena pertsona fisiko bat bada, NANarekin identifikatu behar du, eta honakoak aurkeztu beharko ditu aurretik Osasun Sailari eman ez badizkio behintzat:

– Merkataritza Erregistroan izen emanda dagoen eta diru-laguntza eskatu duen lagunaren aldeko ordezkaritza-ahalmena.

f) Erakunde eskatzailea erakundeentzako ziurtagiri elektronikoki onartu baten bidez identifikatu baldin bada, ez du egiaztatzeko dokumenturik aurkeztu behar.

g) Finantzaketaren xede izango litzatekeen jarduera hobeki ezagutzeko beharrezko den dokumentu osagarri oro.

7. artikulua.– Eskabideak aurkezteko epea eta modua.

1.– Eskabideak aurkezteko epea 2014ko irailaren 15ean bukatuko da.

2.– Aurrez aurre edo bitarteko elektronikoak erabiliz aurkez daitezke eskaerak.

a) Eskabideak aurrez aurre aurkez daitezke Herritarren Arretarako Bulegoetan (Zuzenean), Eusko Jaurlaritzaren Osasun Saileko lurralde-zuzendaritzetan, edota Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38.4 artikuluan aurreikusitako organoen aurrean.

b) Halaber, eskabideak bitarteko elektronikoen bidez izapidetu ahal izango dira agindu honen izapide elektronikoei buruzko 8. artikuluan adierazitako euskadi.net egoitza elektronikoaren bidez.

3.– Erakunde eskatzaileek nahi duten hizkuntza ofizialean aurkeztu ahal izango dituzte eska-bidea eta horri erantsi beharreko gainerako agiriak. Orobat, eskabidea aurkeztu eta ondorengo jarduketetan, eta prozedura osoan, erakunde eskatzaileak hautatutako hizkuntza erabiliko da, Euskararen erabilera normalizatzeko azaroaren 24ko 10/1982 Oinarrizko Legearen 6.1 artikulua ezartzen duenari jarraituz.

8. artikulua.– Izapidetze elektronikoa.

1.– Erakunde edo zentro interesdunek bide elektronikoak erabiliz eskatu, kontsultatu eta egin ditzakete prozedura honetako izapide guztiak.

2.– Erakunde edo zentro eskatzaileak sinadura elektronikoa aitortuko sistemen bidez identifikatuko dira, hau da, entitatea edo pertsona juridikoa egiaztatzen duen txartelaren bidez, eta erakundea ordezkatzeko duten pertsona fisikoei dagokienean, berriz, e-NANaren bidez (Nortasun Agiri Nazional elektronikoa).

3.– Laguntzak izapidetzeko jarraibideak, izapidetze elektronikorako zuzeneko sarbidea eta Agindu honetan agertzen diren eranskinak euskadi.net-eko honako egoitza elektronikoa honetan daude:

http://www.osakidetza.euskadi.net/r85-ckproc03/es/contenidos/informacion/procedimiento_administrativo/es_proc/procedimientos_ciudadania_ayudas.html

9. artikulua.– Aurkeztutako eskabideetan egindako akatsak zuzentzea.

Osasun Publikoaren eta Adikzioen Zuzendaritzak ikusten badu aurkeztutako eskabideak ez dituela betetzen aurreko artikuluetan xedatutako eskakizunak, hamar egun balioduneko epea emango dio erakunde eskatzaileari akatsa zuzen dezan edo aginduzko dokumentuak aurkez ditzan. Jakinaraziko dio, halaber, hori egin ezean, eskabidea bertan behera uzten duela ulertuko dela; horretarako, Osasuneko sailburuordeak ebazpen bat eman beharko du Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legearen 42. artikuluan aurreikusi bezala.

10. artikulua.– Organo kudeatzaileak aurkeztutako datuak egiaztatzea.

Eskabideetan adierazi ahalko da laguntza eskatu duen pertsonak/erakundeak baimena ematen diola espresuki organo kudeatzaileari nortasun-datuak eskuratzeko edo egiaztatzeko, eskabidea aurrez aurre edo bitarteko elektronikoen bidez aurkeztuta ere, Herri Administrazioak egiaztatzeko, kontrolatzeko eta ikuskatzeko duen ahalmenaren kaltetan izan gabe.

a) Kanal elektronikoa, interesduna aitortutako ziurtagiri elektronikoa batekin identifikatu bada, ez du agiririk aurkeztu beharko haren nortasuna egiaztatzeko.

b) Eskabidea aurrez aurre aurkeztuz gero, eta eskatzaileak baimena ematen badu administrazioak nortasun-datuak egiaztatu ditzan Barne Ministerioan, ez du inolako dokumenturik aurkeztu beharko, eta eskabidean adierazi beharko du deialdia egin duen organo kudeatzaileari baimena ematen diola administrazio eskumendunean datuak egiaztatzeko, jasotzeko edo baieztatzeko bitarteko elektronikoen bidez edo, hala badagokio, eskuragarri dauden bitartekoen bidez.

Pertsona edo erakunde eskatzaileak ez badio administrazioari datu horiek biltzeko baimenik ematen, datu horiek aurkeztu beharko ditu.

11. artikulua.– Eskakizunak egiaztatzea.

Laguntzen eskatzaileek zerga-betebeharrak eta Gizarte Segurantzarekikoak egunean dituztela egiaztatzen duen dokumentazioa automatikoki egiaztatuko du, behar beste aldiz, organo kudeatzaileak, eta horretarako ez du eskatzaileen baimenik beharko, Euskal Autonomia Erkidegoko Ogasun Nagusiaren Antolarauei buruzko Legearen 50.3 artikulua 2. paragrafoak xedatzen duenari jarraikiz.

12. artikulua.– Esleitzeko irizpideak.

1.– Agindu honetan ezarritako laguntzak lehiaketa-prozeduraren bidez emango dira, azaroaren 11ko 1/1997 Legegintzako Dekretuaren bidez onartutako Euskal Autonomia Erkidegoko Ogasun Nagusiaren Antolarauei buruzko Legearen testu bateginaren 51.4 artikulua arabera.

2.– Laguntzak aurkeztutako eskabideak alderatuz emango dira. Horretarako, artikulua honetan agertzen diren balioespen-irizpideak erabiliko dira laguntzak ematerakoan lehentasunak ezartzeko. Zenbatekorik handiena esleituko zaie puntu-kopuru handiena lortu duten eskaerei, aurrekontu-saila agortu arte.

3.– Jarraian, balioespen-irizpideak zehaztuko ditugu, eta irizpide bakoitzari zenbat puntu dagozkie esango. Irizpide hauek erabiliko dira, hain zuzen, eskabideen lehentasun-ordena ezartzeko.

a) Jardunaren egokitasuna eta garrantzia herritarren artean jarduera fisikoa sustatzeari dagozkie. Justifikazioa, helburuak, garapen-faseak eta ebaluazio-proposamena: 40 puntura arte.

b) Ibilbideak erabiltzea sustatzea: 30 puntura arte.

– Seinaleak: ibilbideak aurkitzeko seinaleak, osasunerako onurei buruzko seinaleak, ikusteko moduko planoak oinezkoek ibilbidea egiteko beharko duten denbora eta distantziak ageri dituztela.

– Zabalkunde aktiboa: hitzaldiak, ibilbideetan jarduerak egitea, parte hartzeko jardunaldiak antolatzea.

– Zabalkunde pasiboa/Inprimatutako informazioa eta banaketa: liburuxkak, publizitatea toki-komunikabideetan.

c) Proiektua gauzatzeko gizarte-, hezkuntza- eta osasun-eremuko eta eremu soziosanitarioko beste eragile komunitario batzuekin koordinatzea.

d) Desberdintasun sozioekonomikoetan eta genero-desberdintasunetan arreta berezia jartzea: 10 puntura arte.

e) Tokiko ekintza-planean kontuan hartutako jarduera izatea: 5 puntura arte.

Diru-laguntza jasotzeko, proiektuek guztira 50 puntu lortu behar dituzte gutxienez, eta a) eta b) irizpideak batuta gutxienez 30 puntu; horietako bakoitzean, gutxienez 15 puntu lortu behar dituzte. Lehentasuneko ordenaren azken postuan berdinketarik egonez gero, artikulua honen c) puntuaren puntuazio handiena lortu duen eskabideari esleituko zaio laguntza.

13. artikulua.– Eskaerak balioestea.

1.– Balioespen-batzorde batek balioetsiko ditu eskabideak. Honako hauek osatuko dute batzorde hori: Osasun Publikoaren eta Adikzioen zuzendariak, batzordeko presidente izango denak, eta hiru lurralde-zuzendaritzetako Osasun Publikoaren eta Adikzioen zuzendariordeak.

2.– Balioespen-batzordeak artikulua honetan ezarritako balioeste-irizpideen arabera balioetsiko ditu aurkeztutako eskabideak.

14. artikulua.– Ebazpena, errekurtsioak, ebazteko eta jakinarazteko epea, jakinarazteko modua eta publizitate-prozedura.

1.– Aurkeztutako eskabideak prozedura bakar batean izapidetuko dira. Ebazpenean, interesdunek azaldutako gai guztiak erabakiko dira. Osasuneko sailburuordeari dagokio ebazpen hori ematea, balioespen-batzordearen proposamena kontuan hartuta.

2.– Ebazpenean ezarriko da eskatutako diru-laguntzak ematen edo ukatzen diren. Laguntzak ematea erabakitzen bada, honakoa adierazi beharko da: zein diren erakunde onuradunak, horietako bakoitzari esleitutako diru-laguntzaren guttirako zenbatekoa, eta laguntzaren xehapena

finantzatutako proiektuen arabera. Laguntzak ukatu egiten badira, berriz, zergatik ukatu diren adierazi beharko da.

3.– Prozedura amaitu eta ebatzitakoa interesdunei jakinarazteko epea lau hilabetekoa izango da, gehienez ere, agindu hau Euskal Herriko Agintaritzaren Aldizkarian argitaratzen den egunaren biharamunetik aurrera. Epe hori igarota, ez bada ebazpenik argitaratu, interesdunek diru-laguntza eskaera ezetsi egin dela ulertu ahal izango dute, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 44.1 artikuluan ezarritako ondorioetarako.

4.– Ebazpen hori Euskal Herriko Agintaritzaren Aldizkarian argitaratuko da.

5.– Prozedura bakoitzean emango den ebazpenak ez dio amaiera ematen administrazio-bideari, eta, beraren aurka, erakunde interesdunek gora jotzeko errekurtoa aurkeztu ahal izango diote Osasuneko sailburuari, hilabeteko epean, ebazpena Euskal Herriko Agintaritzaren Aldizkarian argitaratu eta hurrengo egunetik aurrera, betiere, aipatutako 30/1992 Lege horren 114. eta 115. artikuluetan ezarritakoaren arabera.

6.– Agindu honek arautzen dituen diru-laguntzak erakunde onuradunei esleitu, eta, hala bada-gokio, ordaindu aurretik, amaituta egon behar dute Euskal Autonomia Erkidegoaren Administrazio Orokorrak edo haren erakunde autonomoek emandako antzeko diru-laguntzen esparruan egon litezkeen itzultze- edo zehatze-prozedurek.

15. artikulua.– Diru-laguntza justifikatzea eta justifikazio hori aurkezteko epea.

1.– Diruz lagundutako jarduera benetan burutu dela justifikatzeko, honako dokumentu hauek aurkeztu behar dira:

a) Diru-laguntzaren xede den proiektua gauzatu izanaren deskribapen-memoria, izapide elektronikoei buruzko 8. artikuluan adierazitako euskadi.net egoitza elektronikoko III. eranskinean jasotakoa.

b) Diru-laguntzaren xede den proiektuaren helburua eta asmoa bete direla dioen ziurtagiria, toki-erakundeko idazkariarena.

c) Diru-laguntzaren xede den proiektua benetan gauzatu dela egiaztatzen duten fakturak edo bestelako egiaztapenak, erakundeko idazkariak izenpetuta.

d) Diru-sarreraren eta gastuen zerrenda, eta beste diru-laguntzarik, laguntzarik edo diru-sarrerarik eskuratu bada, hori adieraztea.

e) Proiektua egin dela argi eta garbi uzten duten agiri grafiko osagarriak.

2.– Ez dira kontuan hartuko agindu honen 4.1 artikuluan xedatutakoaren arabera diruz lagun daitezkeen gastuekin bat ez datozen justifikazioak.

3.– Justifikatzeko dokumentazioa aurkezteko epea 2014ko abenduaren 15ean amaituko da, eta egun horixe izango da dokumentu horiek onartzeko azken eguna.

16. artikulua.– Justifikatzeko aurkeztutako dokumentuetako akatsak zuzentzea.

Ikusten bada justifikatzeko aurkeztutako dokumentuetan akatsak daudela edo datuak falta direla, erakunde edo zentro onuradunari hamar eguneko epea emango zaio, jakinarazpena jaso eta hurrengo egunetik zenbatzen hasita, akatsa zuzendu edo falta diren dokumentuak aurkez ditzan.

17. artikulua.– Diru-laguntzen zenbatekoa eta horiek ordaintzea.

1.– Diru-laguntzek honako gehienezko zenbatekoak errespetatu beharko dituzte:

a) 50.000 biztanle baino gehiagoko udalerrietan edo udalerriz gaindiko eremuetan, gehienez ere, diruz lagundu daitezken gastuen zenbatekoaren % 20 eman daiteke, gehienez ere 8.000 euro proiektuko.

b) 50.000 eta 7.000 biztanle arteko udalerrietan edo udalerriz gaindiko eremuetan, gehienez ere, diruz lagundu daitezken gastuen zenbatekoaren % 50 eman daiteke, gehienez ere 8.000 euro proiektuko.

c) 7.000 biztanle baino gutxiagoko udalerrietan edo udalerriz gaindiko eremuetan, diruz lagundu daitezken gastuen zenbatekoaren % 80 eman daiteke, gehienez ere 8.000 euro proiektuko.

Udalerrri bakoitzeko biztanle-kopurua Eustaten 2003ko datuetatik aterako da.

2.– Ordainketa bakar bat egingo da, Osasun Saileko Osasun Publikoaren eta Adikzioen Zuzendaritzara diru-laguntzaren xede den proiektua gauzatu dela justifikatzeko memoria igorri ondoren.

18. artikulua.– Erakunde onuradunen betebeharrak.

Indarrean dagoen araudiak xedatzen dituen eta ezartzekoak diren beste betebeharrak batzuk eragotzi gabe, eta, batez ere, Euskal Autonomia Erkidegoko Ogasun Nagusiaren Antolarauei buruzko Legearen Testu Bategina onartzen duen 1/1997 Legegintzako Dekretuak ezarritakoa eragotzi gabe, Agindu honetan ezarritako diru-laguntzen onuradun diren erakundeek honako betebeharrak hauek dituzte:

a) Esleitutako diru-laguntza onartzea. Diru-laguntza eman izanaren ebazpena EHAAr argitaratu eta hamabost egunera, enpresa onuradunek ez badiote berariaz eta idatziz laguntzari uko egiten, laguntza onartutzat joko da.

b) Diru-laguntzak emateko eskatutako eta kontuan hartutako betekizunen bati eragiten dion edozein ezaugarri aldatzen bada, ahalik eta lasterren jakinaraztea.

c) Osasun Publikoaren eta Adikzioen Zuzendaritzari frogatzea diru-laguntza emateko edo baliatzeke bete beharreko betekizunak eta baldintzak betetzen dituela, baita jarduera egin duela ere.

d) Osasun Sailari laguntzea jarduera horiek egiaztatu, ikuskatu, segimendua egin, ebaluatu eta kontrolatzeko prozeduretan, eta honako kontrol-saio hauen mende jartzea: Eusko Jaurlaritzaren Kontrol Ekonomikoko Bulegoari dagozkionak –Euskal Autonomia Erkidegoaren aurrekontuetatik emandako laguntzak diren heinean–, eta Herri Kontuen Euskal Epaitegiaren berariazko araudian aurreikusitakoak.

e) Jasotako funtsen aplikazioa egiaztatzeke dokumentuak jasotzea, baita dokumentu elektronikoak ere, egiaztapen- eta kontrol-jardueren xede izan daitezkeelako.

f) Egiten diren agiri eta publizitate guztietan, Osasun Sailaren babesa dutela aipatu beharko dute. Aipamen hori Eusko Jaurlaritzaren Erakunde Nortasunaren Eskuliburuan ezarritakoaren arabera txertatuko da: http://www.lehendakaritza.ejgv.euskadi.net/r48-contsepr/es/contenidos/informacion/v2_simbolos/es_simboide/simbolos_identidad.html

g) Aurkeztutako dokumentazioko informazio tekniko eta grafikoa erabiltzeko eskubidea emango zaio Osasun Sailari, dohainik eta era ez-esklusiboan, eta argitaratzeko moduko formatuan, Osasun Sailaren informazio-sisteman sartu eta erabiltzeko, eta baita zabaldu eta/edo argitaratzeko

ere, formatu bibliografiko, ikus-entzunezko, informatiko edota teknika erabiltzen uzten duen edozein bide baliatuz.

19. artikulua.– Diru-laguntzaren baldintzak aldatzea.

Diru-laguntzak emateko ebazpena aldatu egin ahal izango da baldin eta diru-laguntza emateko kontuan hartutako baldintzak aldatzen badira –betiere, diru-laguntzaren helburua betetzat jotzen bada– eta, hala badagokio, diru-laguntza horrekin batera Eusko Jaurlaritzak edo beste herri-administrazio edo erakunde publiko zein pribatu batzuek emandako diru-laguntzaren bat edo laguntzaren bat jaso bada. Hala, dagokion aldaketa-ebazpena emango du Osasuneko sailburuordeak; bertan, esleitutako diru-laguntzen zenbatekoak egokitu egingo dira berriz, emateko ezarritako irizpide eta mugak aplikatuz, eta beraz, erakunde onuradunek itzuli egin beharko dute jasotako gehiegizko zenbatekoa.

20. artikulua.– Datuak babestea.

Agindu honetan aurreikusitako diru-laguntzak eskatzean ematen diren datuak «Laguntzak jasoko dituzten erakundeak» fitxategian sartuko dira, Osasun eta Kontsumoko sailburuaren 2011ko abenduaren 22ko Aginduan ezartzen den moduan; agindu horren bitartez arautzen dira Osasun eta Kontsumo Sailaren eta Kontsumobide-Kontsumoko Euskal Institutuaren izaera pertsonaleko datuen fitxategiak, Izaera Pertsonaleko Datuak Babesteari buruzko 15/1999 Lege Organikoan xedatutakoari jarraikiz. Fitxategi horretako datuak ezin zaizkie hirugarrenei edo beste erakunde batzuei utzi, eta Eusko Jaurlaritzako Osasun Sailak erakunde eskatzaileen laguntzak kudeatzeko baino ez ditu erabiliko. Nahi izanez gero, datuak eskuratzeko, zuzentzeko, deuseztatzeko eta haiei aurka egiteko eskubideak erabil ditzake nahi duenak, legean xedatutakoarekin bat etorriz; horretarako, idazki bat igorri beharko dio Osasun Sailaren Osasun Publikoaren eta Adikzioen Zuzendaritzari.

21. artikulua.– Ez-betetzeak.

Ez badira baldintzak betetzen edo ez badira diruz lagundutako jarduerak gauzatzen, edo Euskal Autonomia Erkidegoko Ogasun Nagusiaren Antolarauei buruzko Legearen testu bateginaren 53.2 artikuluan jasotako betebeharrak betetzen ez badira, jasotako laguntzak eta haien legezko interesak itzuli beharko dira, abenduaren 17ko 698/1991 Dekretuan, bermeari, itzultzeari eta zuzenbide pribatuko erakunde publikoen, sozietate publikoen eta erakunde autonomoen bidez kudeatzeri buruzkoan, xedatutakoarekin bat. Laguntza horiek diru-sarrera publikotzat joko dira ondorio guztietarako.

AZKEN XEDAPENETATIK LEHENENGOA

Agindu honetan berariaz ezarri gabeko guztiari dagokionez, azaroaren 26ko 30/1992 Legean, Herri Administrazioen Araubide Juridikoaren eta Administrazio Prozedura Erkidearenean, eta azaroaren 11ko 1/1997 Legegintzako Dekretu bidez onartutako Euskadiko Ogasun Nagusiaren Antolarauei buruzko Legearen Testu Bateginean xedatutakoak aplikatuko dira.

AZKEN XEDAPENETATIK BIGARRENA

Agindu honek amaiera ematen dio administrazio-bideari; beronen aurka, interesdunek aurrerako berraztertze errekurtsoa ezarri ahal izango diote Osasuneko sailburuari, hilabeteko epean, ebazpena Euskal Herriko Agintaritzaren Aldizkarian argitaratu eta biharamunetik aurrera; edo bestela, zuzenean administrazioarekiko auzi-errekurtsoa ezarri ahalko dute, Euskal Autonomia

2014ko uztailearen 9a, asteazkena

Erkidegoko Auzitegi Nagusiko Administrazioarekiko Auzietako Salan, bi hilabeteko epean, aldizkari ofizialean argitaratu eta biharamunetik aurrera.

AZKEN XEDAPENETATIK HIRUGARRENA

Agindu honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

Vitoria-Gasteiz, 2014ko uztailearen 1a.

Osasuneko sailburua,
JON DARPÓN SIERRA.

2014ko uztailaren 9a, asteazkena



OSASUN SAILA
Osasun Publikoaren eta Adikzioen Zuzendaritza

DEPARTAMENTO DE SALUD
Dirección de Salud Pública y Adicciones

I. ERANSKINA TOKI ERAKUNDEEI DIRU-LAGUNTZA ESKATZEA, JARDUERA FISIKOA SUSTATZEKO EKIMENAK EGITEKO

Izartxoa (*) duten datu guztiak nahitaez bete behar dira

ESKABIDEA AURKEZTEN DUENA *

1

Titularra Ordezkarria

DATU PERTSONALAK

■ TITULARRA / IZEN SOZIALA

Izena / Erakundearen izendapena *

Dokumentu Mota *

Lehen Abizena *

Bigarren Abizena *

Zenbakia * - LETRATel. Finkoa Tel. Mugikorra Sexua * Gizona Emakumea

■ ORDEZKARIA

Izena / Erakundearen izendapena

Dokumentu Mota

Lehen Abizena

Bigarren Abizena

Zenbakia - LETRATel. Finkoa Tel. Mugikorra Sexua Gizona Emakumea

JAKINARAZPENA *

2

Elektronikoa Posta bidez

HELBURU POSTALETARAKO (Posta bidezko jakinarazpenetarako soilik) *

Herrialdea * ESPAINIA

Helbidea * _____

Zk _____ Pisua _____ Letra _____

PK *

Udalerrria * _____

Lurraldea * _____

JAKINARAZPEN ELEKTRONIKOENTZAT

3

Posta elektronikoa (puntu eta koma (;) bitartez bereziak)

Mugikorraren telefono zenbakia (puntu eta koma (;) bitartez bereziak)

2014ko uztailaren 9a, asteazkena

JAKINARAZPENAK ETA OHARRAK JASO NAHI DIREN HIZKUNTZA * Euskera Gaztelania**BESTELAKO DATU INTERESGARRIAK****Titularren betebeharraren fiskalen informazioa duen Zerga Administrazioaren Lurraldea / Probintzia ***
Aukeratu...**ERANTZUNKIZUNPEKO ADIERAZPENAK** Diru-laguntza eskatu duen lagunaren aldeko ordezkari-ahalgoa, merkataritza erregistroan inskribatuta, data honetan _____ eman zen, _____ urteko diru-laguntzen eskabidean, eta geroztik, aldaketarik ez dela egon adierazten du eskatzaileak. Merkataritza Erregistroan inskribatutako estatutuen kopia data honetan _____ eman zen, _____ urteko diru-laguntzen eskabidean, eta geroztik, aldaketarik ez dela egon adierazten du eskatzaileak. Ez naiz laguntzarik jasotzen ari xede eta helburu berarekin Administrazio Publikoen edo erakunde pribatuen eskutik. Administrazio Publiko edo erakunde pribatuen bati laguntza bat eskatu diodala eta eman didatela (atal honen datuak Eranskinean zehaztu beharko dira) Administrazio Publiko edo erakunde pribatuen bati laguntza bat eskatu diodala eta oraindik erantzunaren zain nagoela (atal honen datuak Eranskinean zehaztu beharko dira)

Ez nago zigor eta administrazio-arloan diru-laguntza edo laguntza publikoak lortzeko aukera galtzearekin zigortuta, ezta hartarako ezgaitzen duen legezko debekuaren eraginpean, ere.

 Ez nago sartuta Euskal Autonomia Erkidegoko Administrazio Orokorra eta horren erakunde autonomoek emandako ezaugarri bereko beste laguntza edo diru-laguntza batzuen esparruan hasi zen eta oraindik bideratzen ari den itzultzeko edo zigortzeko ezein prozeduratan.

Egunean ditudala indarrean dauden xedapenek ezartzen dituzten zerga-betebeharrak eta Gizarte Segurantzarekikoak, arauz zehaztu den bezala.

Eskabide honetan bildutako eta eskabideari erantsitako dokumentazioan bildutako datuak egiazkoak dira.

Laguntza hauen onuradun izateko indarrean dagoen legediak ezarritako baldintzak betetzen ditut.

ADOSTASUNAK**Nortasun datuak** Deialdi honen atal kudeatzaileari dagokion Administrazioan baliabide elektronikoen bidez, edo bere kasuan, aukeran dauden baliabideen bidez, egiaztatzeko, baieztatzeko edo ziurtatzeko baimena ematen diot.

DATU PERTSONALAK BABESTEKO LEGEA

Datu Pertsonalak Babesteari buruzko abenduaren 13ko 15/1999 Lege Organikoak xedatutakoa betez, Eusko Jaurlaritzaren **Osasun Sailaren Osasun Publikoaren eta Adikzioen Zuzendaritzak** jakinarazten dizu eman dituzun eta zure eskabidean agertzen diren datuak **Laguntzak jasotzea dagokien entitateak** izeneko fitxategian sartu direla. Eusko Jaurlaritzaren **Osasun Sailaren Osasun Publikoaren eta Adikzioen Zuzendaritzak** da fitxategi horren titularra, eta laguntza emateko espedienteak kudeatzea du helburu. Aldez aurretik, Datuak Babesteko Agentziari emango zaio horren berri, hark baitaizka datuen segurtasun osoa bermatzeko behar diren segurtasun-neurriak. Datu horiek, bestalde, ez zaizkie beste pertsona batzuei jakinaraziko, legeak bideratutako kasuetan izan ezik. Datu pertsonalen babesari buruz indarrean dauden arauak jarraiki, eskatzaileak badu sartzeko, zuzentzeko, ezerezteko eta aurka egiteko eskubideez baliatzea, Datu Pertsonalak Babesteari buruzko Lege Organikoak berariaz aitortzen duen bezala. Horretarako, baduzu Eusko Jaurlaritzaren **Osasun Sailaren Osasun Publikoaren eta Adikzioen Zuzendaritzara** jotzea (Donostia kalea, 1, 01010, Gasteiz).

Administrazio Publikoak erkatu ahal izango ditu adierazitako datuak eta berariazko egiaztapenak egin ahal izango ditu laguntzak behar bezala esleitzeko.

_____ (e)n _____ (e)an

(Titularraren edo ordezkariaren sinadura)

ESKABIDEAREN ARGIBIDEAK

1 ESKABIDEA AURKEZTEN DUENA

Eskatzaileak bere izenean jokatzek badu, "ESKABIDEA AURKEZTEN DUENA" atalean "Titularra" aukeratu behar du eta "DATU PERTSONALAK" atalean Titularrari dagozkion datuak bete. Eskabidea titularrak sinatzen du.

Eskatzaileak beste pertsona baten ordezkari gisa jokatzek badu, "ESKABIDEA AURKEZTEN DUENA" atalean "Ordezkaria" aukeratu behar du eta, "DATU PERTSONALAK" atalean, Titular bezala ordezkatzek duen pertsonaren datuak bete behar ditu eta berea datuak Ordezkarian. Eskabidea ordezkariak sinatzen du.

Pertsona juridikoak, beti jokatzek dute ordezkari gisa, beraz, "ESKABIDEA AURKEZTEN DUENA" atalean "Ordezkaria" aukeratu behar du eta, "DATU PERTSONALAK" atalean, Titular bezala ordezkatzek duen pertsonaren datuak bete behar ditu eta berea datuak Ordezkarian. Eskabidea ordezkariak sinatzen du.

2 JAKINARAZPENA

Eskatzaileak jakinarazpenak zein kanaletik jasotzek nahi dituen aukera dezake: posta bidez edo elektronikoa.

POSTA BIDEZ: "HELBURU POSTALETARAKO" atalean adierazitako helbidera igorriko zaizkio jakinarazpenak

ELEKTRONIKOA: eskatzaileak jakinarazpenak www.euskadi.net/nirekudeaketak -eko "Nire gestioak" ataleko sarrera ontzian jasotzek ditu. "Nire gestioak" atalean sartzeko beharrezkoa izango da eskatzaileak indarrean dagoen ziurtagiri elektronikoa bat izatea (ONA, Dnie, Herritar Ziurtagiria, Erakunde Ziurtagiria, FNMT, ...)

3 JAKINARAZPEN ELEKTRONIKOENTZAT

Eskatzaileak jakinarazpen elektronikoa jasotzea erabaki badu, admisnirazioak posta elektronikoa edo mugikor bidezko zerbitzu bat jartzen du zure eskura, jakinarazpen bat bidaltzek dizun bakoitzean zu ohartarazteko.

Nahi dituzun posta elektronikoa edota mugikor zenbaki idatz ditzakezu, kasu bietan datu bakoitza puntu eta koma (;) bitartez bereiziz.

2014ko uztailearen 9a, asteazkena



II. ERANSKINA

JARDUERA FISIKOA SUSTATZEKO JARDUERAREN AZALPEN-MEMORIA

Izartxoak (*) duten datu guztiak nahitaez bete behar dira

DIRU-LAGUNTZA ESKATZEN DUEN ERAKUNDEAREN DATUAK

Toki-erakundearen izena: * _____

IKZ: * - LETRA

Helbidea: * _____ **zk:** _____ **Pisua:** _____ **Letra:** _____

Udalerrria: * _____ **Lurraldea: *** _____ **PK: ***

Telefonoa: * **Faxa:**

E-mail: * _____

HARREMANETARAKO PERTSONAREN DATUAK

Lehen abizena: * _____ **Bigarren abizena: *** _____

Izena: * _____

Zein sailletakoa den: * _____

Teléfonoa: * **Faxa:**

E-mail: * _____

JARDUERAREN AURREKONTUA

Aurrekontua guztira: * _____ € **Aurrekontua BEZik gabe: *** _____ €

BANAKATUTAKO AURREKONTUA (BEZIK GABE)

Faseak	Aurrekontua

	Guztira
--	----------------

DIRU-LAGUNTZA ZER JARDUERETARAKO ESKATZEN DEN

Izenburua: * _____

DIRU-LAGUNTZA ESKATU DEN PROIEKTUAREN DESKRIBAPEN TEKNIKO ZEHATZA

2014ko uztailearen 9a, asteazkena

KOMUNITATEKO BESTE AGENTEEKIN KOORDINATZEA

--

JARDUERA TOKIKO AGENDA 21EN TOKIKO EKINTZA-PLANAREN ZER ILDO EDO PROGRAMATAKO DEN

TEPen ildo-estrategikoa: * _____

TEP programa: * _____

JARDUERA GAUZATZEKO EPEA

(Jarri noiz hasi eta bukatuko den, edo, bestela, noiz gauzatzea aurreikusi den)

Jardueraren hasiera-data: _____

Jardueraren amaiera-data: _____

BESTE FINANTZIAZIO ITURRI BATZUK

Baduzu beste finantziario iturririk?	<input type="radio"/> Bai <input type="radio"/> Ez	
Zein?	Zenbatekoa	
Guztira		

Beste laguntzarik eskatu duzu?	<input type="radio"/> Bai <input type="radio"/> Ez	
Zein erakunderi?	Eskatutako zenbatekoa	Emandako zenbatekoa
Guztira		

Sinadura:

Elkartearen arduraduna

2014ko uztailearen 9a, asteazkena



III. ERANSKINA

JARDUERA FISIKOA SUSTATZEKO JARDUERA EGIN DELA JUSTIFIKATZEKO MEMORIA

Izartxoak (*) duten datu guztiak nahitaez bete behar dira

ESKABIDEAREN DATUAK

Entitatearen izena *:

DIRU-LAGUNTZA ESKATU DEN JARDUERAREN IZENA

Izena: *

DIRU-LAGUNTZAK JASO DUEN PROIEKTUA OSO-OSORIK EGIN DELA ADIERAZTEKO MEMORIA

2014ko uztailearen 9a, asteazkena

BESTE FINANTZIAZIO ITURRI BATZUK

Beste finantziazio iturririk izan duzu?	<input type="radio"/> Bai <input type="radio"/> Ez
Zein?	Zenbatekoa
Guztira	

Beste laguntzarik jaso duzu?	<input type="radio"/> Bai <input type="radio"/> Ez
Zein erakundetatik?	Zenbatekoa
Guztira	

Adierazten dut justifikazio honetan eta justifikazioari erantsitako dokumentazioan jasotako datuak egiazkoak direla.

Sinadura:

Erakundearen lehendakari arduraduna